

## — 438 —

sen. Daß wir durch noth, notdurft vnd friden des landes vnd der vnsern, die bescheiden wisen lüte, den rate vnd die burgere gemeinlich der stette zuo Brisach in Brisgöw, genommen vnd empfangen haben in vnser drier stette verbuntnüffe, recht als vnser verbuntnüß brief stant, vnd wir der burgermeister, der rate vnd die burgere gemeinlich von Brisach hant vns och verbunden zuo den vorgeannten drien stetten, als ir verbuntnüß brief geschriben stant, mit dem eide, so wir dar vmb getan hant, also daß wir vier stette einander getrüwelich geraten vnd beholfen sin sollen bi dem eide, so wir darvmb getan hant in alle wise, vnd uf die zil, als vnser drier stette verbuntnüffe ist, vnd die brief dar über stant, mit sölicher bescheidenheit, als och hie nach geschriben stat. Daß ist, were daß die von Brisach von ieman angegriffen wurden für ir herren vmb deheiner hande schulde, die dieselben von Brisach nüt gelobt hettin mit munde, mit hand, noch mit briefen, dar zuo sönt wir inen beholfen sin, als der verbuntnüß brief stat ane alle geuerde. Were aber, das si an das von ieman angegriffen oder geschadiget wurden, den briefen söllent si bringen für ein rate vnserre vorgeannten drien stetten, welen si wellent, vnd sol der rate denne dar vmb erkennen bi dem eide, als ob es inen geschehen were, vnd was der rate oder der merteil des rates dar vmb erkennt vf den eide, ob man beholfen solle sin dar vmb oder nüt, da mit sol si benügen. Geschehe och, daß die von Brisach vnser vorgeannten drier stetten deheinen manend wurden vmb ein gesinde, das man in das lihe zuo lantwere, die stat sol inen nüt me lihen, denne zwenzig helme, si tü es denne gerne, vmb minre mögent si och wol manen, wurden aber vnser vorgeannten drier stette deheine die von Brisach manen vmb ein gesinde, das si ir das lihe zuo lantweri, der sönt si nüt me lihen denne zehen helme, si tuond es denne gerne, vmb minre mag man si och wol manen. Geschehe es aber not, das man me helf bedörfte, so söllent wir einander geraten vnd beholfen sin, och als vnser drier stetten verbuntnüß brief stant, ane alle geuerde. Vnd sol man och, so man